

UTL AT DOWNSVIEW



D RANGE BAY SHLF POS ITEM C  
39 13 09 03 08 005 9

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PK  
6434  
S46  
1885  
c.1  
ROBA

Fraschery, Ch Samy bey  
Horde çin

3953

18/646





ش . سامی

Fraschery, Ch. Samy bey

خُرَدِ چَین


Hörde çin

معارف نظارت جلیله سنک رخصتیه طبع اولمشدر  
رخصتنامه نومروسی ۴۵۵

استانبول


(مهران) مطبعه سی - باب عالی جاده سنده نومرو ۷

۱۳۰۲



PK  
6434

S46  
1885



## افادۀ مرام

بیلم نه حکمتدرکه انسان، تمتع مادیده اکثریا  
شریک ایستمدیکی حالده، استفادۀ فکریه سنی، الندن  
کلسه، عالمه تعمیم ایتک هوسنده بولنور: هر نه ایشیتسه،  
هر نه کورسه، هر نه بیلسه، راست کلنه سویلمک،  
کوسترمک، آکلاتمق ایچون، وسیله یه منتظر در .

هله اکنجه لرینی ادبیات مطالعه سنده آریانلر،  
اومسیره اذهانده - نظر حیرت لرینی جلب، ویا انشراح  
وتأثر درون لرینی دعوت ایده جک - هیچ برشیئه راست  
کلزلر، که قلم برنده اونی برینه نقل ایتک آرزوسنی اويا-  
ندیرمسون . فقط هیهات ! یاقارش یلرنده خیالاتله

متأثر اوله میه جق قدر کشف بر جسمانی تصادف  
ایدر، و یا خود اوزه بولنه میوب، او نکته یورکده بر  
عقده، واونک ویردیکی لذت برداغ ودرد اولور.

انای جنسمز حقنده عمومیت اوزره بیان ایتدیگمز  
افکار دائماً کندیمزده حس ایتدیگمز حاله مستنددر.  
قرینک قلبنه کیم راهیاب حلول اولمش، بشقه سناک  
ذهنته کیم طریق تقوذ بوله بیلش، که، قیاس نفس  
اولسه، بویه درونی احوالدن عمومیت اوزره بیان  
مطالعه ده بولنه بیلسین؟

بویه اولدیغی حاله، مساعدده بیورلسون، سوزی  
عمومیتدن خصوصیتنه نقل ایده یم.

هرنه وقت - دمیر کی صوتوق ودمیر قدر آغیر



اولان - جديا تدن اوصانير، وظيفه ايدنديكم مشغو-  
ليتدن يوريلورسه-م، ذهني وجسماني يورغونلق آلق  
ايچون، اشعار فارس-يه دن استمداد ايتماك بنم ايچون  
اس-كيدن حاصل اولمش برالفقدر. نيچون فارسي يي  
ترجيح ايد يورم؟ ذاتا عجم مقلدلكيله متهم اولان  
اسكي عثمانلي شعراسنك آتارنده، وعلى الخصوص اوج  
باش س-ننه دنبري - لسامنرك ش-يوه لطافتنه افكار  
وخيالات جديده يي قاريشديره رق - شايان تقديس  
بر چيغر آچان نورس-يدكان ش-عرامرك اثرلرنده بيك  
سنه لك ايران شعراسنك آتارنده كي لطافت يوقيدر؟  
ديه جكسكز. بزم شعراي جديده مزك آثارينه ديه جكم  
يوق، بلكه بواصول جديده يي، تاابتداي ظهورنده،  
اك ش-وقلي آقيش-لرله تبريك ايدنلرك برنجيلرندهم.

لكن بونلر الآن محدوددر؛ اسكى شعرا مذك آثارنده  
ايسه ايران شعرا سنك اشعارنده كى لطافت، اونلرده كى  
مهارت، اونلرده كى سلاست يوقى، يوقسه بكامى اويله  
كليور . سومك، حظ اتمك هر وقت اسباب موجب  
ايله اولماز، طبيعت بويا، اشعار فارسى دن زياده حظ  
ايد يورم؛ لكن ظن ايدرم كه، بيوك بونا يارتك اوروپا  
لسانلى حقنده اولان مشهور بر تقسيمى جدى صورتيله  
تلقى، وآسيا لسانلى دن دخی تطبيق اولنمق لازم كلسه،  
فارسى حقنده: «شعر ايجون يارادلمش بر لساندر» وشعر  
اولسان ايجون ايجاد اولنمشدر» دنيله بيلير .

هر حالده، بوقيلدن اوله رق، ورد زبان مطالعه م  
اولان كتابلك ايجنده، تنوعلى حسييله، اك زياده  
مراقى جلب ايدنلر بر ايكى تذكرة الشعرا در . ايشته

باشلیجه بونلرک ایچنده یوقاریده تعریف ایتدیکم  
 حسیاتی منبه بر طاقم حکمت آمیز یاسوزشلی ویامینی  
 علی الحکایه ولطیف بیتلر اوتنه دن بری حوصلهء حفظمده  
 طولاشوب طورمقده ایکن ، برده چکن کون استاد  
 شعرای زمانه معلم ناجیء یکانه نك « خرده فروش »  
 عنوان تواضعکارانه سی آلتده بو کره نشر ایتدیکی  
 - کوچک فقط سراپا لب ومعنا - اثری الیمه چکدی .  
 مقدمه سنی اوقودم ، کندی حسیاتمک تصویریدر ،  
 ظن ایتدم .

انسان کندی حسیاتی بشقه سی طرفندن تصویر  
 اولمش کورمکدن آلدیغی لذتی برشیدن آلاز . معملک  
 دخی نظر تقدیر وانتخابنه مظهر اولان اشعار فارسی ،  
 اولرده تذکره الشعرا کتابلرندن مأخوذ ! یالکز اشعار  
 او اشعار دکل .

نه ضرری وار؟ یول آچلدی، اصول قوندی، پیرو  
اولمقدن بشقه برشی قالمدی. • تقلید عادتتم دکل ایکن،  
«خرده نروش» لک آرقه سی صره «خرده چین» اولدم.  
ش. سامی

استانبول ۲۲ رمضان ۱۳۰۲



## خرده چین

---

### خرده

— ۱ —

میازار موری که دانه کشت  
که جان دارد و جان شیرین خوششت  
سیاه اندرون باشد و سنکدل  
که خواهد که موری شود تنکدل

— ترجمه —

دانه طوپلایان قاریجه یه ایلشمه، زیرا جانی وازدر،  
جان ایسه طاتلیدر . بغری قره وطاش یورکلیدر او  
آدم، که بر قاریجه نك مضطرب القلب اولدیغنی ایستر .

— مطالعه —

شعراى ایران زمینك استادنامدارى، وبلکه بتون  
نظم کویان عالمك سالارى حضرت حکیم فردوسینك  
بو ایکی بیتى او قدر ساده، او قدر تکلفسزدر، که جیا.

دقی تکلف و طمطراق الفاظده آرایانلر بلکه - اک ایلری یه  
 دوشوردیکمز - بو خرده مزى تزییفه قالقیشیرلر ؛ لکن  
 بونک - ذاتاً مطلوب و مقبول اولان - ساده لکیله برابر،  
 مالى، تعمیق ذهنله دوشونيله جک اولسه، کافه حکمتلرک  
 نقطه اجتماعى دنيله جک قدر حکیمانه، و علم اخلاقک  
 خلاصه سی دنيله بيله جک بردستور یکانه در .

شیخ بزرگوار سعدی شیرازینک، «شهنامه» نک بو قدر  
 یوز بیك بیتى ایچندن، بو درت مصراعى سچوب نقل  
 ایتمی ده بو مدعامزى اثباته کافیدر. شیخ مشارالیه نقل  
 ایتدیکی بو ایکی بیته شو بیتله فاتحه خوان اولمشدر :

چه خوش گفت فردوسی نیکزاد

که رحمت بران تربت پاک باد

— ترجمه —

تربه پاکنه رحمت اولسون ! فردوسی عالیتبار نه  
 کوزل سویلیور !

— مطالعه —

حضرت شیخ بو بیتله تقدیر و تقدیس ایده رک، حکیم  
 طوسینک کلام صاحب پروانه سنی نقل ایتدکن صکره، بو

التزامی جیانتته حمل اولمسون قورقوسیه، شجاعتنه مین  
ایدهرک، اونی ایضاح مقامنده بیوریورلرکه :  
بمردی که ملک سراسر زمین  
نیرزد که خونی چکد بر زمین

— ترجمه —

مردك حقیچون که بتون روی ارضك ملکی بر  
طامله قانك یره طاملا دیغنی دگمز !

## خرده

— ۲ —

نادر العصر امیدئ مظلوم  
کوبنا حق شهید شد ناکاه  
شب بخوابم بیامد وفرمود  
کای زحال درون من اکاه  
بهر تاریخ قتل من بنویس  
آه ازخون ناحق من آه

— ترجمه —

عصر مزده امثالی نادر بولنان مظلوم امیدئ، که

آنسزین ناحق یره شهید اولدی، کیجه عالم معناده بکا  
کلوب دیدی: سن که حال درووندن آگاهسک قلمه تاریخ  
اولق اوزره، شونی یاز: «آه! بنم حقسنز قانمدن آه!»

— مطالعه —

امیدی شاه اسماعیل زماننده طهرانده یتیشوب،  
شیرازده تحصیل علم وهنر وتعلم علم طب ایتمش بر  
شاعر شیرین زبان ایدی. کنج یاشنده شربت شهادتی  
نوش ایتمش اولمغله، حقنده شعرای معاصرینندن افضل  
نامی شیرازی بوقطعه مؤثره بی سویلمشدر.

خرده

— ۳ —

مایوسف خود نمیفروشیم  
توسیم سیاه خودنکه دار

— ترجمه —

بز یوسفمزی صائمیز، سنک قلب اچکه سنک  
اولسون.



## — مطالعه —

خواجه يوسف اندکافی غایت خوش الحان بر مطرب  
 ماهر اولمغله، اولاد تیموردن بایسنغرک ملازمتده بولنوب،  
 مشارالیه کنديسنی مجلسندن اصلا آیرمديغی حالده، شیراز  
 حاکمی ابراهیم کنديسنی دفعاتله یاننه دعوت، ومصرانه  
 طلب ایتمش، ونهایت جلیچون یوز بیك دینار کوندر.  
 مش اولدیغندن، بایسنغر، ملاطفت طریقله بو بیتله  
 جواب یازمش.

## خرده

## — ۴ —

رقم سوی خطیره وبکریستم بزار  
 از هجر دوستان که اسیر فناشدند  
 ایشان کجاشدند چو کفتم خطیره هم  
 داد از صدا جواب که ایشان کجاشدند

## — ترجمه —

مزارستان طرفه کیدوب، اسیر فنا اولان دوستلرک

هجر واشتياقندن هونکور هونکور اغلادم . اونلر نړه يه  
 کيتديلر! ديه باغرديغمده، مزارستان دخي، عکس صدا  
 قوتيله، جواب ويره رک: «اونلر نړه يه کيتديلر!» ديدى.

— مطالعه —

بوقطعه شاعر حکيم حسرو دهلوينک اولوب، حقا که  
 دنيا ده سوکيلي جانلردن آيرلمش حزين جانلري اغلاته جق؛  
 و بزم کي اوتوروب قالقان، کولوب اويناين، سويليوب  
 قونيشان بوقدر آدملرک، هرکون نابديد اولوب، نړه يه  
 کيتدکلريني، ودها طوغريسي، نړه يه کيتديکميزي، آکلار.  
 مقدن عاجز اولان بچاره انساني برقات دها وله وحيرته  
 طالديروب، اولوم دنيلن حياتدن دها مغلق بر معمانک  
 اوکنده لرزنک دهشت ايده جک بر هاتف حکمنده در .  
 هله جسدلرمزي يوتوب قره بغيرنده صاقلاليان مزارلغک  
 دخي سائلدن زياده معلوماتي اوليوب ده، عکس صدا  
 قوتيله، متحيرانه: «اونلر نړه يه کيتديلر؟» ديه باغرمسي  
 صانکه «بنده سکا سوربورم» ديمسي پک شاعرانه  
 وهمده حکيمانه دوشمشدر .

## خرده

— ۵ —

صرصر حادثه برخاست پی خواریء ما  
 داد برباد سرو برک جهاندارىء ما  
 آفتاب فلک رفعت شاهى بودم  
 برد در شام زوال آه سیه کارىء ما  
 چشم از جور فلک کنده چو شد بهتر شد  
 تانه بینم که کند غیر جهاندارىء ما  
 داد افغان پچه شوکت شاهى برباد  
 کیست جز ذات مبرا که کند یارىء ما

— ترجمه —

حوادث و وقوعات صرصرى بزم خرايتمز ایچون  
 قالقوب، بزم پادشاهلغمزك سر وسامانی برباد ایتدی .  
 فلک رفعتك آفتاب تابانی ایدك، آه ! که کندی حرکاتمزك  
 سیئه سی اونی شام غرو به ایردیردی ! اصابت که  
 جور فلک کوزلرمی چقاردی ده، بزم پادشاهلغمزك  
 اغیار النده اولدیغنی کورمیورم . افغان ! که بر غلام

شوکت سلطنتی برباد ایتدی ! شمدی ذات مبرای جناب  
کبریادن بشقه بکا کیم یار اولور ؟

— مطالعه —

بوبرقاچ بیت، بنکاله حکمداری ایکن، ملکی انکلیز-  
لرک ید غصبنه دوشمش، ومؤخرأ رفع لوای عصیان  
ایدن توابعندن غلام قادر طرفندن کوزلری چیقاریلوب،  
نابینا قالمش اولان ابوالمظفر مروج الدینک اولبادهکی  
قصیده سوزناکندندر . مشار الیه فصحای شعرادن  
اولوب، شعرنده آفتاب تخلص ایدردی .

خرده

— ۶ —

نه از یعقوب آثاری نه از یوسف نشان دیدم  
عزیزان یوسف ارکم شد چه شد بعقوبرا باری

— ترجمه —

نه یعقوبدن اثر نه یوسفدن نشان کوردم . ای عزیزلر،  
یوسف غائب اولدیه، یا یعقوبه نه اولدی ؟



## — مطالعه —

بویت مغیدار، هرات شعراسندن اولوب، عراق  
 حکمداری سلطان یعقوبك نزدینه التجا ایتمش اولان  
 بنایینکدر، که سلطان مشارالیهك برادری یوسف بکک  
 وفاتی، وکندیسنک بر قاقچ کون قپانسی اوزرینه  
 سویلمشدر .

## خرده

## — ۷ —

گفت انوری که ازسبب بادهای سخت  
 ویران شود عمارت وکھسار بر سری  
 در روز حکم اونوز یدست هیچ باد  
 یا مرسل الریاح تو دانی وانوری

## — ترجمه —

انوری، شدتلی روزکارلر سببندن معمورهٔ جهان  
 حراب اولوب، جبال مرتفعهك باش آشانغی یقیله جغنی  
 سویلمشیدی . اونك حکم ایتمش اولدینغی کونده ایسه

اصلا روزگار اسمدی . ای روزگار لر موکلی اولان ملک !  
 بوايشك سر و حکمتی سن ايله انوری بيليرسکر .

— مطالعه —

شاعر مشهور انوری علم هیئت و نجومده دخی  
 ماهر ایدی . زماننده سیاراتک بشیله کونش و آی برج  
 میزانده تصادف ایتمش لر . انوری بوقرانک واقع اوله جغی  
 کیجه — بنالری ییقه جق ، اشجاری یرلرندن قوپاره جق  
 — برشدتلی روزگار اسه جکنی حکم و اعلان ایتمکله ، خلق  
 متوحش اولوب ، او کیجه هر کس اوندن دیشاری چیقه رق ،  
 کمال دهشته اوقیامته منتظر اولدقلری حالده ، هوا اوقدر  
 سودلیمانلق اولمش که ، بریسی مرو جامعنک اوزرینه بر  
 موم دیکدیکی حالده ، مومی سوندیره جک قدر روزگار  
 اسمه مش . بونک اوزرینه نکتته کویان زماندن بری یوقاریده کی  
 قطعه بی سویلمشدر . انورینک حامیسی بولنان سلطان  
 سنجر کندیسینی جابله ، بویله نا صواب حکملر اعلانندن  
 عتاب ایتدیکنده ، انوری بو کبی احوال سمائیه نک حکمی  
 بعض دفعه کج ظهور ایدر دیه رک ، ینه حکمنک التزامنده  
 اصرار ایتمش ؛ حالبوکه اوسنه مرو جوارلرنده خرمانلری  
 صاورده جق قدر روزگار اسمه مش . انوری بو حالی

کورنجه، حجاب و قورقوسندن مروی ترکه، بلخه قاجش؛  
و بر مدت صکره اورادن دخی اهالی کنديسني طرد ایتد.  
یرمکه قالقیشنجه، فلکدن شکایت مقامنده برقصیده انشاد  
ایدهرک، باشنده دیمش که :

ای مسلمانان فغان از جور چرخ چنبری  
وز نفاق تیر و قصد ماه و کید مشتری

— ترجمه —

ای مسلمانان! چرخ دوارک جورندن، عطارک  
نفاقدن، آیک قصدندن، مشترینک مکر و حيله سندن  
فریاد!

— مطالعه —

انوری خاوران مملکتنده نشأت ایتشدرد، که اورادن  
— هربری کندی صنفده فرید دهر اولان — دیگر اوج  
ذات دخی یتشمش اولغله، شاعرک بری دردینی شو  
قطعه یه جمع ایتشدرد .

خواجۀ چون بوعلی شادان وزیر نامدار  
عالی چون اسعد مهنه زهر شری بری  
صوفی صافی چو سلطان طریقت بوسعید  
شاعری قادر چو مشهور خراسان انوری

## — ترجمه —

وزیر نامدار ابوعلی شادان کی براہل سیاست (\*)،  
 ہر شردن بری اولان اسعد مہنہ کی بر عالم، سلطان طر-  
 یقت ابو سعید کی بر صوفی صافی، خراسانده شہرت  
 صاحبی اولان انوری کی مقتدر بر شاعر !

## — مطالعہ —

مشار الیہ اسعد مہنہ نك ملكشاہك حضورندہ حجۃ  
 الاسلام امام غزالی ایلہ مناظرہ لری وقوع بولوب،  
 غزالی یہ مذہبی صور مسیلہ، حضرت امامك «عقلياتدہ  
 مذہبم برہان، و شرعیاتدہ قرآندر» جواب حکیمانہ سنی  
 ویرمش اولدینی مشہوردر .

## خرده

## — ۸ —

تا چشم مرادست قضا میل کشید  
 فریاد ز عالم جوانی بر خاست

(\*) طغرل بن میکائیل سلجوقینك وزیر یدر . عدل و تدبیردہ .



— ترجمه —

دست قضا بنم کوزلر مه میل چکنجه، کنجلك عالنده  
يرواويلادر قويدی !

— مطالعه —

بو بيب تلهف آمیز - اوصاف حميده سی کتب توار -  
يخده مسطور اولان - سلطان طغانشاهک نغمه فریاد  
وفغانیدر، که ابراهیم بن نیاله واقع اولان محاربه سنده  
اسیر دوشوب، اول غدارک امریله کنج یاشنده کوزلرینه  
میل چکلمشیدی . عم بزرگواری طغرل بك ابراهیم  
نیالی دیار عدمه کوندروب، انتقامی آلمش ؛ و، یکنک بو  
ییتی ایشیتدیکنده، زاری زاری اغایه رق : « هنوز  
دنیا یی کورمکله طویماش اولان اونوجوانه کاشکی ایکی  
کوزمدن برینی ویرمکه مقتدر اوله ایدم ! » دیش .  
طغانشاه نیشابورده سلطنت سورمکده ایکن، برکون  
تدما سندن بریله طاوله اوینارمش ؛ برسه شش ایستیور -  
مش، سه یك گلش ؛ حاضر بالمجلس بولنان شاعر مشهور  
ازرقی بونک اوزرینه بداهه شوقطعه یی سویلمش :

کرشاه سه شش خواست سه یك زحم افتاد  
تا ظن نبری که کعبتین داد نداد

شش چون نکرست هیبت شاه  
از هیبت شاه روی بر خاک نهاد

— ترجمه —

شاه سه شش ایستد یکی حالد، سه يك كلدیسه، ظن  
ایتمه که زار حقسزلق ایتدی؛ لکن شش شاهك هیبتی  
کورنجه، قارشیسند طورمغه مقتدر اوله میوب، یوزی  
قویون یره قیاندی.

خرده

— ۹ —

شاها فلکت اسب سعادت زین کرد  
وز جمله خسروان ترا تعین کرد  
تا در حرکت سمند زرین نعلت  
نهد بزمین پای زمین سیمین کرد

— ترجمه —

ای پادشاه ! فلک رخس سعادت حاضریوب، اوکا  
یینمک اوزره، عموم حکمدارلرک ایچندن سنی انتخاب

ایتدی . سیر و حرکتکده، آلتون نعلی آتکک ایاغی یرده  
دکسین دیه، یریوزینی کومشله قاپلادی .

— مطالعه —

بو قدر عالی برفکر و خیال شاعرانه بی حاوی اولان  
بورباعی بداههٔ سویلنمشدر، وسویلن برقادیندر . حسن  
و آن و ظرافتی مهارت شاعرانه سیله متناسب اولان «مہستی»  
دیری «در» که سلطان سنجرک محبوبه سی ایدی . براقشام  
مہستی سلطانک مجلسندن دیشاری حیقمنه قالقنجه،  
سلطان علی الصباح عزیمتی تصمیم ایتمش اولدیفندن،  
هوايه باقسنی امر ایتمش، و مہستی حیقوب قار یاغمش  
اولدیفنی پنجره دن کورنجه، حضور سلطانه دونوب، بو  
رباعی ایله جواب ویرمش؛ و بورباعیسی مشار الیهانک  
سلطان سنجرک مقرین خاصی صره سنه کچمنی موجب  
اولمش .

خرده

— ۱۰ —

کفر چو منی کزاف و آسان نبود  
محکمت از ایمان من ایمان نبود

دردهر چو من یکی وان هم کافر  
پس درهمه دهر یک مسلمان نبود

— ترجمه —

بنم کبی بر آدمک تکفیری قولای دکلدر؛ بنم ایمانندن  
محکم ایمان اوله ماز. دهر بنم کبی آنحق بر آدم یتشدر.  
مشدر، اوده کافر اولورسه، دیمک که دهرده هیچ بر  
مسلمان یوقدر.

— مطالعه —

بورباعی حکمای اسلامک آب رویی اولان ابو علی  
ابن سینانکدر، که بر آز تفاخری حاوی اولمغله برابر،  
هیچ مبالغه لی اولیوب، عین حقیقتدر. هر عصر وزمانده  
هر دیار ومملکتده، هر دین ومذهبده جهلای متعصینک  
ارباب فضل وکماله قارشی یکتا سلاخلری تکفیردر.  
عالم اسلامک مدار افتخاری اولان حکیم مشار الیه، که  
حکمت وطبده نه قدر عالم ایدیه، تفسیر وحدیثده دخی  
او قدر متبحر ایدی؛ وعقلیاتده نصل یکتا ایدیه، شرعیاتده  
دخی اولدر جهدن یک دون دکلیدی، اوبیله جهلانک سنک  
تکفیرندن قورتیله مامشدر. مشار الیهک اجل تقرر بنده  
سویلمش اولدینی شو رباعی دخی شایان ذکردر:

از قعر کل سیاه (\*) تا اوج زخل (\*\*)  
 کردم همه مشکلات عالم را حل  
 بیرون جستم ز قید هر مکر و حیل  
 هر بند کشوده شد جز بند احوال

— ترجمه —

بو مظلوم کرهٔ ارض که مرکز ندن عالم شمسک منتها.  
 سنه قدر اولان کائنات حقنده عالمک مشکلاتنی حل ایتدم،  
 بکا قوریلان بو قدر دسایس و تذویرات دوزاغندن قور.  
 تالدم: هر مسئله حل اولندی، اجل مسئله سندن بشقه .

خرده

— ۱۱ —

هنکام آن که کل دمد از صحن بوستان  
 رفت آن کل شکفته و در خاک شدنهان  
 هنکام آن که شاخ شجر نم کشد زابر  
 بی آب ماند ترکس آن تازه بوستان

(\*) او وقت عالم شمسک مرکزی کرهٔ ارض یلنیردی .

(\*\*) او وقت معلوم اولان سیاراتک اگ اوزاغی زخل ایدی .



## — ترجمه —

باغچه لرده کلر آچلدینی بر موسمه، او آچلمش  
 کل کیتدی، طوپراغک ایچنه نهان اولدی! آغاج دالترینک  
 هوادن جذب آب حیات ایتدکری بر ایامده، او تازه  
 باغچه نرکسی صوسز قالب قورودی!

## — مطالعه —

بو ایکی بیت دلسوز شاعر مشهور عمقکدر، که  
 سلطان سنجرک محمود بن ملکشاهک تحت نگاهنده  
 بولان سوکیلی قیزی ماه ملکک وفاتی حقنده سویلمشدر.  
 سلطان سنجر بوقیزینی زیاده سیله سووب، فراق ابدیسندن  
 دلخون اولغله، آرتق اغلامقدن بشقه برشیده ذوق  
 وتسالی بوله ماز اولدیغندن، مرثیه نظمده مهارت و شهرتی  
 اولان عمقی، کندیسنی مرثیه لرله اغلامق ایچون، بخا-  
 رادن جلب ایتک ایستمش ایسه ده، شاعر او وقت پک  
 اختیار، وایکی کوزندن علیل اولدیغندن، بالذات کیده میوب،  
 بر مرثیه کوندرمش، که بو ایکی بیت اوندندر.

## خرده

— ۱۲ —

الغ بك آن شاه جم اقتدار  
 که دین نبیرا ازو بود پشت  
 زعباس شهد شهادت چشید  
 شدش سال تاریخ «عباس کشت»

— ترجمه —

اقتدارچه جمشید کعبده بر پادشاه و حضرت پیغمبرک  
 دیننه پشت ویناه اولان الغ بك، عباسك الندن شهد شها-  
 دتی نوش ایتدی، تاریخ شهادتی ده «عباس کشت» (یعنی  
 عباس اولدیزدی) تعیریدر.

— مطالعه —

الغ بك تیمورلنكك حفیدی اولوب، علوم وفنون  
 متوعه ده، وعلی الخصوص هیئت ونجومده یکتا بر پادشاه  
 حکیم ایدی، که فنون مذکوره ده کندیسنندن صکره بین  
 الاسلام علما یتیشه میوب، او عصرک اواخرنده اوروپاده  
 قوپرنیک ظهوریله، علم هیئتک اساسی دکیشدیکندن،

الغ بك بحق وبالوجوه بين الاسلام ارباب هيئتك  
خاتمی عد اولنه بیلیر . ارباب فضل وکمال ، اقصای  
مراتب بشریه نائل اولدقلری حالدہ، ینہ معاودات فلک  
سفلہ پروردن رهایاب اولدقلرینہ برنمونه اولمق اوزرہ،  
فن وحکمتدہ فرید عصر اولان اول حکمدار فضائل  
شعار، مدت سلطنتدہ هرطرفدن یوز کوستین بونجه  
اعدا ایلہ اوغراشدقدن صکرہ، عاقبت کندی اوغلی  
عبد اللطیف دخی علیہنہ قالقشمش، وتخت وتاجنی الندن  
قایمغلدہ قناعت ایتیموب، - کندی محصول عمرندن اغیارہ  
قاچقدن ايسہ، ینہ اوغلنہ التجا ایتکی پدرلہ اولاد بیندہکی  
روابط شفقت مقتضیاتندن عد ایدن - اویلہ بر حکمدار  
حکیمی عباس نام لعینک یدیلہ شهید ایتدیرمشدر . بونک  
اوزرینہ شعرادن بری حقندہ یوقاریدہکی قطعہ تاینجیہی  
سویلمشدر .

خرده

- ۱۳ -

دی شب زسر صدق وصفای دل من  
درمیکدہ آن روح فزای دل من

جامی بمن آورد که بستان و بنوش  
کفتم نخوزم کفتم برای دل من

— ترجمه —

دون کیجه، قلبمك صدق وصفاسی آثارندن اولمق  
اوزره، میخانهده کولمك مدار حیاتی اولان ذات بکا  
بر قدح کتروب، آل ایچ، دیدی، ایچمم، دیدم؛ بنم  
خاطریم ایچون، دیدی.

— مطالعه —

اهل صفانك می و میخانهسی نه اولدیغنی کوسترمه  
بر دلیل کافی اولان بو رباعی - سجدهیه وارمش اولدیغنی  
حالده، جانی جاناننه تسلیم ایتمش - بر اهل دلك النده  
بولنمشدر. بو ذات مشاهیر شعرادن مولانا لطف الله  
نیسابوریدر، که ملوک زماندن پک چوق هدیه واحسانلره  
نائل اولوب، جمله سنی بر الیه آله رقی، دیکریله بتمامها فقرا  
و محتاجینه توزیع ایتمش، و اواخر عمرنده بر کویه چکیلوب،  
اوراده ایدندیکی بر کوچک باغده منزوی اولمش ایدی.  
بر کون احبابندن بر جماعت زیارتنه کیدوب، بر چوق وقت  
قویو چالدقاری حالده، آچلمدیغندن، ایچلرندن بریسی

دیواردن آتلا یوب، قپویی آچش، وایچری یه کیردکلرنده  
 کندیسنی، سر بزمن سجده اولدیغی حالده، میت کورمشلر؛  
 والنده یوقاریده کی رباعی یی حاوی برپارچه کاغذ بولمشلر .

## خرده

## — ۱۴ —

اكرآن ترك شیرازی بدست آرددل مارا  
 بخان هندویش بنخشم سمرقند و بخارا را

## — ترجمه —

او شیرازی دلبر کوکلیزی ایدرسه، اونک سیاه بکنه  
 سمرقندله بخارایی باغشلارم .

## — مطالعه —

تیمورلنک شیرازی ضبط ایتدیکنده، بو بیتک قائل  
 اولان شاعر مشهور حافظ شیرازی بر حیات ایدی .  
 تیمور شاعری جلیله، مقام عتابده : «بن ضبط و تسخیر  
 ایتدیکم بونجه بلاد معموره یی، محضا و طم و مقر حکو  
 متم اولان سمرقند و بخارایی آبادان ایتک ایچون، تخریب



ایتدیکم حالده، سن کیم اولیورسك، که بو ایکی باده  
 عظیمه یی بردلبرك بکنه باغشلا یورسك! « دینجه، حافظ  
 پڑمرده قیافتی کوستردك: « پادشاهم، بن بویله نامجمل  
 یره بخش ایده ایده، بو حاله کلدیم « دیش . تیمور بولطیفه  
 دن زیاده سیله خوشالانوب، قهر نیتی لطفه تبدیل ایله،  
 شاعره پک چوق اکرام والتفات ایتمش .

## خرده

— ۱۵ —

دجانه را امسال رفتاری عجب مستانه بود  
 پای در زنجیر و کف بر لب مکر دیوانه بود

— ترجمه —

دجانه نك بوسنه نه تحف بر مستانه یوروشی واردر!  
 آیانی زنجیرده، آغزی کوپورمش، صانکی دلیدر!

— مطالعه —

بوییتك برنجی مصرای خواجه سلمان، وایکنجیسی  
 ناصر بخاری طرفدن بداهه سویلنمشدر. ناصر بخاری

حجّه کیدرکن، بغداده اوغرایوب خواجه سلمانیه کور-  
 یشمک ایچون، بروسيله انتظارنده ایکن، برکون خوا-  
 جه نك طغیان ایتمش اولان دجله نهرینی سیر ایدهرک  
 کرمکده اولدیغنی کورمکه، یاننه کیدوب، سلام ویرمش؛  
 وخواجه سلمان کنديسنک کیم اولدیغنی صوروب، ناصر  
 «برمرد غریب شاعرم» ديه جواب ویرنجه، سلمان  
 بونک شعرینی تجربه ایچون ایلک مصراعی سویلمش؛  
 وبومرد غریب طرفندن درحال ایکنجیسنی ایشیدنجه،  
 درجه کالنی آکلایوب، اوساعتدن اعتباراً یینلرنده رابطه  
 مخالست پیدا اولمش.

## خرده

— ۱۶ —

آن مفخر آفاق که بد قطب زمان  
 شیخی که چواو نبود درکون و مکان  
 درپانصد وهشت اوبدهر آمده بود  
 درششصد و یازده برون شدز جهان

— ترجمه —

اول عالمک سرمایۀ مفخرتی که قطب زمان ایدی، اول

شیخ بزرگوار که کون و مکانده نظیری یوقدر، بشیوز  
یدی تاریخنده دنیا به کشیدی، آلتیوز اون برده دنیا دن  
کیتی .

— مطالعه —

بو تاریخ قطب العارفین شیخ فریدالدین عطار حقنده  
سویلنمشدر. مشارالیه یوز درت یاشنده اولدینی حالد  
چنکیزک اردوسنه منسوب بر مغولک الینه اسیر دوشمش  
ایدی . مغول کندیسنی قتل ایتک اوزره ایکن، دیگر بر  
مغول بو اختیارک بین الاسلام مشهور بر ذات اولدینی،  
وفدیه اوله رق مسلمانلردن چوق اچقه آله بیله جکنی  
اخطار ایدنجه، مغول قتلدن صرف نظر ایدوب، فدیہ .  
سنی بولوق ایچون، حضرت شیخی کردیرمکه باشلامش .  
اواشناده ارباب حمیتدن بری چیقوب، یوز بیک آلتون  
تکلیف ایتدیکنده، شیخ مغوله دیش که : « بو بنم قیمتم  
دکلدر، تام قیمتمی بولمدجه، صاتمہ . » مغول، دها زیاده  
ویرن بولنه حق امیدیه، حضرت شیخی کردیرمکه دوام  
ایتمکده ایکن، آرقه سنده بر طور به صمانی بولنان فقیر بر  
آدم کچوب : « شواختیاری بکا باغشلا، سکا شو صمانی  
ویرهیم » دیجه، حضرت شیخ مغوله : « ایشته بنم قیمتم

بودر. صات» دیش. مغول قیزوب اول معدن حقیقتک  
ریش سفیدنی خون کردانیله لاله کون ایتمش.

## خرده

## — ۱۷ —

از برای جرعه می خادم میخانه ام  
خدمت رندان کنم تا پر شود پیمانام

## — ترجمه —

بر قدح شراب ایچون میخانه خدمت جیسی اولدم.  
قدح طوانجیه قدر سرخوشلره خدمت ایدرم.

## — مطالعه —

بوییت غریب مشاهیر شعرادن آبدال اصفهانینکدر.  
آبدال ابتدای امرده عطار اولوب، مؤخرأ عشق  
سببیدن دیوانه لکه اورده رق، یالین آیق کز مکه باشلامش،  
وبرمدت تیمار خانه ده زنجیر بند قالدقدنصکره، میخانه لرده  
مشتیرلره خدمت ایتکه باشلامش، واجرتیه مقابل  
کندیلرندن برر مقدار شراب آلیورمش. بو حالیه برابر

ینه شعر سویلمکدن تهی قالماز، و شعری ده لطافتدن  
 خالی اولماز ایش . یوقاریده کی بیتیه کندی حالی تعریف  
 ایتدیکی کبی، زیرده کی غزل ایله ده میخانه مداوملری اولان  
 تبریز ارمنیلرینی مدح ایدیور:

کبران همه کردم چو خویشان  
 من کبر نوم میان ایشان  
 دارند دلی خوش و ندارند  
 طبع بد و خاطر پریشان  
 والله که ندیدم از مسلمان  
 این طور که دیده ام از ایشان  
 آبدال زهر يك پیاله  
 در دیر نشسته چون کشیشان

— ترجمه —

بتون کبرلر (\*) اقربا کی اطرافی آلیورلر، بن اونلرک  
 اورته سنده یکی بر کبرم . — اونلرک پک تمیز قیلری  
 واردر، فنا طبیعتاری یوقدر، و خاطرلری پریشان دکلدر .  
 — اونلرده کوردیکم طوری والله مسلمانده کورمدم .

(\*) کبر اصل زردشت دینده اولان آتش پرستلرک اسمی ایسده،  
 فارسیده علی انعموم غیر مسلمله دخی اطلاق اونور، و بزده مستعمل  
 اولان «کاور» کلمه سی بوندن مخففدر .

— آبدال بر قدح شراب ایچون پاپاس اولمش، میخانه بی  
کلیسا اتخاذا ایتمش .

— مطالعه —

آبدال اواخر عمرنده توبه کار و متقی اولمش .

خزده

— ۱۸ —

ای خداوند هفت سیاره  
کافری مان فرست خونخواره  
تادر ودشتر چو دست کند  
جوی خون راند او ز جو باره  
عدد مردمان بیفزاید  
هر یکرا کند بصد پاره

— ترجمه —

ای یدی سیاره نك صاحب و خالق اولان جناب  
الله ! بزه خونخوار بر کافر کوندر، که شهر واووه بی ال  
آیاسی کی دوزاید درك، هر شیء سوپوروب کچسین، بیونلردن  
قان سیلی آقیتسین . — انسانلرک عددینی آرتیرمق اوزره،  
هر برینی یوز پارچه ایتسین !



## — مطالعه —

بو دهشتلی بد دعا شاعر مشهور کمال الدین اسماعیل  
 اصفهانی طرفندن اهل اصفهان حقنده سویلنمشدر . اهل  
 اصفهان بو بددعایه ماصدق اولوب، چوق کچمه دن، اولاد  
 چنکیزدن اوکتای قآنک عسکری شهری ضبطله، اهایلی  
 قتل عامه اوغراتدیلر . شاعر کنیدیسی دخی بد دعاسی  
 تأثیرندن خارج قالمدی . مشار الیه شهرک خارجنده بر  
 زاویه ده عزلت کزین بولندیغندن، مغوللرک تجاوزندن  
 قورتلمش ایسه ده، خلق مغوللرک بوذاته اولان رعایتلرینی  
 کوردکارندن، ماللرینی یغمادن قورتارمق ایچون، زاویه .  
 سنک یاننده بولان بر قورو قیویه طولدیر مشلر . بر مغول  
 چوجنی اوینارکن، طوپنی قیویه دوشورمش، وطوپنی  
 چنقارمغه چیلارکن، اورایه دفن ایدلمش اولان اموالی  
 کشف ایدرک، خبر ویرمش . مغوللر اواموالی آلدقندن  
 صکره، شاعر منزوی بی طوتوب، سنک دها بشقه اموال  
 مستورهک واردر دیهرک، سویلتمک ایچون، بیک درلو  
 اشکنجه لرله اولدیر مشلر .

خرده

— ۱۹ —

باخلق چنان مکن که چون فعل ترا  
هم باتو عمل کنند رنجیده شوی

— ترجمه —

بشقه سی طرفدن سنک حقنده صادر اولدیغی حالده،  
سنی ایختیه جک معامله یی سن ده بشقه سنه روا کورمه .

— مطالعه —

اوروپا علماسی نصرانیتک مزیتتی باشلیجه انجیلک  
بومالده اولان بر آیتته حصر ایدوب، بوسوزی حکمت  
اخلاقک بردستور واساسی عد ایتدکلرندن، انجیلک  
آیتدن البته خبری اولمیان اهلی شیرازینک بویتی  
شایان دقتدر .

خرده

— ۲۰ —

ای رزاق مور ومار وزاغ وبلبل  
کشتند هلاک بندکان توبکل

مشتی سکرا بهانه ساختہئی  
از توسست تومیکنی چہ تاتار و مغل

— ترجمہ —

ای قریبجہ ویلان وقارغہ و بلبک رزاق اولان  
جناب خلاق ! قوللرک کافہ ہلاک اولدی ! — بر آوج  
کوپکلری بہانہ ایتدک، بوسندندر، سن یاپیورسک،  
تاتارک مغلک ایشی دکدر .

— مطالعہ —

چنکیز خان مغول طائفہ سیلہ، آسیانک شرق شمالی  
جہتندن، برسیل بلاکی، ممالک اسلامیہ نک اوزرینہ  
ہجوملہ، ہر یردہ قتل ایتمک، و ہر معموردی ویرانہ یہ  
چویرمکہ باشلادیغندہ، اہل اسلام تاب آور مقاومت اولہ.  
میوب، برولہ وحیرتہ طالہرق، بو آقتہ برداہیہ سہائیہ  
نظاریلہ باققدن بشقہ برشی دوشونہ مدیلر، و مغوللرک مظاہ.  
لمنی کندی افعال نامرضیہ لرینہ بر مجازات الہیہ صورتیلہ  
تلقی ایتدیلر . شیخ ابو الجناہک یوقاریدہ کی رباعیسی بو  
افکار عمومیہ نک ترجمانی مقامندہ در .

## خردہ

— ۲۱ —

بروز نکبت اکر برج قلعهٔ فلکت  
چوشاہ معرکۂ چرخ مسکن وماواست  
یقین بدان کہ بوقت نزول سر قضا  
حصار محکم توہمچو دامن صحر است

— ترجمہ —

نکبت کونندہ، معرکۂ چرخ حکمداری کی،  
قلعۂ فلک برجندہ مسکن وماوا طوتسہک بیلہ، ای بیل  
کہ، سر قضا نیک ہنکام نزولندہ، سنک محکم حصارک  
براوہ اتکی کی مدافعیہ غیر صالح اولور۔

\* \*

بروز دولت اکر مسکن توہامونست  
ترا کشادگی از حصن کنبد حضر است

— ترجمہ —

دولت کونندہ، مسکنک اووہ دخی اولسہ، قبہ  
مینا کون سمانک حصنندن سکا فتح وظفر کلیر۔

\* \*

توکارنیک و بد خود بحق بکن تفویض  
 بروز دولت و نکبت که کار کار خداست

— ترجمه —

سن کرک دولت و کرک نکبت کوننده ای فنا هر بر  
 ایشکی اللهه حواله ایت، زیرا ایش اللهک ایشدر .

— مطالعه —

سلطان محمد خوارزمشاه، که آسیای وسطی و ایرانی  
 فتح ایدوب، بر بیوک دولت تأسیس ایلش، و خلافتی  
 عباسیلردن نزع ایل، اولاد رسوله توجیه ایتک اوزره،  
 بغداد اوزرینه منتهی عزیمت بولمشن ایدی، ناکهان ممالیکی  
 اوزرینه چوکن چنکیزک عسکرینه قارشی ثبات ایده میوب،  
 مازندران قاجمش؛ واوراده آبکون جزیره سنده اختفا  
 ایتمش اولدینی حالد، درد دروندن واورا هواسنک  
 وخامتدن خسته لمش، و بر قاج کون ظرفنده صاحی  
 صقالی آغارمش اولدینی حالد، یوقاریده کی قطعیه یی  
 بداهه انشاد ایدوب، یازیور، وهونکور هونکور اغلا.  
 یورمش . بو حال کندیسنی بر قاج کونده تلف ایتمش .  
 روایت کوره، کندیسی قاجدینی ائشاده، اهل اسلام، ارکک

قادرین، چوجق یولی اوزرینه چاقوب: «بزی نروده  
 براقوبده کیدیورسک! بزی مغوللرک اللرنده براقه!»  
 دیهرک اغلاشدقلرنده، کنیدیسی: «استحکاملریایک» دیهرک  
 یولنه دوام ایدیورمش. حقیقه، آسیای وسطی وایرانده  
 خرابه لری الیوم موجود اولان استحکاماتک اکثریسی او  
 وقت، مشارالیهک توصیه سی اوزرینه، یاپلمشیدی؛ لکن  
 اوسیل بلانک اوکنی کسه مه مشیدی.

## خرده

— ۲۲ —

من نه مردزن وزرو جاهم  
 بخدا کرکنم وکر خواهم  
 کر تو تاجی دهی باحسانم  
 بسر تو که تاج نستاتم

— ترجمه —

بن قاری، آلتون، منصب رجلی دکم. اولنیرسه هم،  
 ومنصب ایسترسهم الله بلامی ویرسین! — سن بکا احسان  
 اوله رق بر تاج سلطنت دخی ویرسه ک، سنک باشک ایچون،  
 آلام!



## — مطالعه —

فقرله قناعتی و دنیاده استغنائی صوڪ درجهیه قدر  
 واردیران بوایکی بیت متصوفین شعرادن حکیم سنائینکدر، که  
 سلطان بهرامشاه غزنوی کندیسنه همشیره سنک نکاحی  
 تکلیف ایتدیکنده، جواب رد مقامنده سویلمشدر .  
 شاعر مشارالیهک مقام مغویسی بر درجه ده در، که حضرت  
 مولانا کندیسی حقنده بیوریورلر :

عطار روح بود سنائی دو چشم او  
 ما از پی سنائی و عطار آمدم

## — ترجمه —

شیخ عطار روحدر، حکیم سنائی اونک کوزیدر .  
 بز سنائی و عطاره تابع اولدق .

## — مطالعه --

حکیم سنائی اوائل حائنده سلطان محمود غزنوینک  
 مداحی ایدی . سلك شعرادن طریق محققینه انتقالنه  
 غزنهده شهرتیب اولان ( لای خوار ) اسمنده بر دیوانه  
 سبب اولمشدر . لای خوار میخانه لردن شراب تور تیلرینی  
 طوپلایوب، یاتدیفی کلخانلرده ایچردی . سلطان محمودک

هند سفرینه متهی عزیمت بولندیغی بر زمانده، سنایی  
 مشار الیهک ستایشنده بر قصیده ترتیب ایدوب، کیجه  
 وقتی تقدیمه کیدیوردی . بر کلخانک یانندن کچرکن، بر  
 سس ایشتمکله، طوروب، قولاق ویردیکنده، لای خوار  
 ایله کندیسنه ساقیق ایدن کندیزی کی ملامیوندن بری  
 آرسنده شویله بر مکمله جریان ایتکده اولدیغی ایشیتدی .  
 لای خوار دیوردی که : بر قدح طولیر، غزنوی محمود .  
 جغک کورلکی عشقنه ایچیم ! - ساقیسی جواب ویریور  
 ایدی که : خطا ایدیورسک، سلطان محمود عادل بر پادشا .  
 هدر . - لای خوار دیوردی که : اوت، او یله در، لکن  
 انصافسز وطمعکار بر آد مجزدر ! هنوز غزنینی لایقیله  
 ضبطی آلتیه آلمدیغی حالده، دیگر ممالک فتحی ارزوسنده در .  
 بو مکالمه نک اوزرینه، لای خوار بر قدح شراب  
 تورتیسی یوارلادقدن صکره، ینه ساقیسنه توجیه خطا بله :  
 بر قدح طولیر، شاعر سنایچک کورلکی عشقنه ایچیم !  
 دیدی . - ساقیسی جواب ویردی که : حق یوقدر، سنایی  
 ظریف و خوش طبع بر شاعر در . - لای خوار دیدی که :  
 خیر، او پک احق بر آدمدر، صاچه صپان بر طاقم سوزلر  
 اویدیروب، آدینی شعر قویمش، وهر کون دیگر براحقک  
 یانه کیدوب، طالقاقولق ایدیور . بیلیمورکه اونو بونک

ایچون یراتما مشردر ؛ روز محشرده، کندیسندن جواب  
ایستدکرنده، اوصاچه شعرلرینی می کوستره جکدر ؟  
سنای آبدالك بوسوزلرندن زیاده سیله متأثر اولوب،  
سلطان محمودك یاننه کیده جك ایکن، دونوب، اویننه  
کیتمش ؛ ومدایح دیوانی صویه آتهرق، دنیادن بر درجه یه  
قدر انقطاع ایدوب، طریق اهل حاله سلوك ایتمش، که  
نهایت یالین آیاق کر مکه باشلامش .

## خرده

— ۲۳ —

خردرا دوش میکتم که این کهنه جهان ازکی  
شداز غوغای شیطان در سویدای هوا خالی  
خرد کفتا عجب دارم که میدانی ومیرسی  
بعهد علم غزالی بعهد علم غزالی

— ترجمه —

دون کیچه کندي عقلمه سویلوردم، که بو کهنه  
جهان نه وقتدن بری شیطانك غوغاسندن خالی قالدی . —  
عقلم جواب ویردی که : تعجب ایدیورم، که بیلدیکك حالده

صوریورسک، غزالینک علمی زماننده، غزالینک علمی  
زماننده.

— مطالعه —

مشاهیر شعرا دین عماد زوزنی، اثنای سیاحتده،  
طوسه اوغرا دیغنده، حجة الاسلام امام عزالی ایله کور.  
یشمک هوسنه دوشمش، ووسیله اولمق اوزره، یوقاریده کی  
قطعه بی یازوب، کندیسنه کوندرمش. زوزنی بوملاقتدن  
یک چوق استفاده ایدوب، امام مشار الیهک ارشادیه  
اهل حقیقت صردسنه کچمشدر.

غزالینک مدت عمر و تاریخ وفاتی مبین اولان شو  
بیت دخی ذکره شایاندر :

نصیب حجت اسلام ازین سرای سپنج  
حیات پنجه و چار و ممات بانصد و پنچ

— ترجمه —

حجة الاسلام امام غزالینک بو مهمانسرای عالمدن  
نصیبی الی درت سنهک عمر ایله بشیوزیدی تاریخنده  
واقع وفاتندن عبارتدر.

خرده

— ۲۴ —

جهانرا بلندی و پستی توئی  
ندانم چهئی هر چه هشتی توئی

— ترجمه —

دنیاده اعلا و ادنا سنسك، بيلم نه سَك، لكن هر نه  
وار ايسه سنسك .

— مطالعه —

بوبيت سلطان الشعرا فردوسی طوسینکدر . مشار  
اليه وفات ایتدیکنده، مشاهیر اولیاء المهدن ابو القاسم  
کرکائی، فردوسی شهنامه سنده مجوسی حکمدار و قهرما.  
نلرینی مدح ایتشدردیه، جنازه سنك نمازینی قیلمق  
ایستمه مش . اوکیجه رؤیاسنده شاعری جنت عدنده پك  
عالی بردرجه ده کورمش : سبینی صورددقده، فردوسی :  
توحید حقنده سویلیدیکم شو بیتك اجر و مکافاتیدر، دیه  
جواب ویره رک، یوقاریده کی بیتی اوقومش . کرکائی  
اویانديغنده، فردوسی حقنده تصحیح افکار ایدوب،  
عذر خواه اولمش .

## خردہ

— ۲۵ —

در علم و هنر مشو چومن صاحب فن  
تا نزد عزیزان نشوی خوار چومن  
خواهی که شوی مقبول ارباب زمن  
کنک آور و کنکری کن و کنکره زن

— ترجمہ —

علم و ہنر نہ بنی صاحب فن اولما، کہ کبرا  
عندندہ بنی کی خوار و حقیر اولیہ سک۔ — زمان آدمی۔  
ینک مقبولی اولق ایسترسہک، عارسز اول، طالقاقلاق  
ایت، چالنی چال۔

— مطالعہ —

ظرفای شعرادن عبید زاکانی اوائل حالندہ علوم  
متنوعہ ایلہ مشغول اولوب، شیرازدہ شاہ ابو اسحق  
نامنہ معانی و بیانہ متعلق بر کتاب یازمش؛ تقدیم ایتک  
اوزرہ، شاہک حضورینہ حقیق ایستدیکندہ، بر طالقاقلاق  
وَقْلہ اکلنمکدہ اولدیغنی بیانلہ، دخولنہ ممانعت ایتمشلر۔  
عبید زاکانی او وقت یوقاریدہ کی رباعی بی سویلیوب،



فيا بعد ترك علم وهنرله، هنرلياته صائش : بوحالي تقيح  
ايدن بعض ذواته جواباً دخی شو قطعه ي سويلمش :

ای خواجه مکن تابتوانی طلب علم  
کاندر طلب راتب هر روزه بمانی  
رو مسخرکی پیشه کن ومطربی آموز  
تاداد خود از ککهر ومهتر بستانی

— ترجمه —

افندی، الکنن کله بیلدیکی قدر علم تحصیل ایتمه،  
زیرا برکونلک ییه جکک تحصیلنده کوجاک چکرسک. —  
کیت مسخره لغی صنعت ایدک، چالغی جلیق او کرن، که بیوک  
کوجاک هرکس سکا رعایت ایتسین.

— مطالعه —

عیدک جهان خاتون نام شاعره ایله مشاعرلری اولدیغی  
کی، اکابر عصرندن خواجه سلمان ایله دخی بر ملاطفه سی  
کچمشدرد. شویله که خواجه سلمان کندیسنی شخصاً طایفه سزین  
برقطعه ایله هجوا یتشیدی. بر سفرده خواجه کمال احتشامله  
برصویک کنارینه ایندیکنده، عید دخی یایان یورویره رک  
اورایه واصل اولمش : وخواجه سلمان بونک نزدی  
اولدیغنی صوروب، غزوینلی اولدیغنی او ککرنده :  
خواجه سلمانک اشعارندن برشی بیلورمیسک : دینجه،  
عید شو ایکی یتي بیلورم دیش :

من خرابایم و باده پرست  
 در خرابات مغان عاشق و مست  
 میکشندم چو سبو دوش بدوش  
 میزنندم چو قدح دست بدست

— ترجمه —

بن میخانه آدمییم و شرابه طایانردنم : میخانه‌ده  
 عاشق و سرخوش مجوسیار بنی دستی کبی اوموزدن او.  
 موزه، قدح کبی الدن اله کز دیر لر.

— مطالعه —

عبید بوایکی یتیمی او قود قدن صکره : بن خواجه  
 سلمانی بیوک و فاضل بر آدم بیلیم ؛ بونک ایچون، مامول  
 ایتیم، که بو یتیلر کن دیسینک اولسون، اولسه اولسه،  
 حرمی سویلمشدر، چونکه اونک حقه دهه دهه یاقیشیور،  
 دیش . خواجه سلمان بوندن محجوب اولوب، بو آدمک  
 عبید اولدیغنی فراستله آکلامش ؛ و کن دیسنی هجو ایتیش  
 اولمسندن عذر خواه اولوب، فیما بعد محب و دوست اولمشار .

خرده

— ۲۶ —

خوشا باد غنبر شمیم سحر  
 که برخاک کرمانش باشد کدر

زمن تاجه آمد که چرخ بلند  
 ازان خاک پاکم بغربت فکند  
 بغداد بهرچه سازم وطن  
 که ناید بجز دجله در چشم من

— ترجمه —

کرمان طو پراغنگ اوزرندن کچمش اولان عنبر قو.  
 قولى سحر روزکاری نه کوزلدر! — بنم نه صـ وجم وار  
 ایدی، که چرخ فلک بنی او مبارک طو پراقندن آروب  
 غربته آتدی؟ — دجله سندن بشقه کوزمه بر شیبی کیرمین  
 بغدادده نچون توطن ایدیورم (\*)؟

— مطالعه —

فراق وطنک ساده و فقط غایت کوزل ومؤثر بر  
 تصویری مقامنده اولان بو بیتلر مشاهیر شعرادن خوا.  
 جوی کرمانینکدر. مشارالیه کرمانلی اولدینی حالد،  
 سائقه قدر کندیسنی وطننده یاشاتمیوب، اکثر یا دیار  
 غربته وعلی الخصوص بغدادده امرار ایام ایتدیکندن،  
 وقت وقت هجرت وطن کندیسنی بویله فغان آمیز بیتلره  
 نالان ایدیورمش.

(\*) دجله نك كوزه کیرمی تعبیری کوز یاشنک کثرتنی ده ایما ایدر.

## خرده

## — ۲۷ —

ما کر چه بنطق طوطی خوشنفسیم  
 بر شکر گفتای سعدی ~~م~~سیم  
 در شیوه شاعری باجماع ام  
 هرگز من وسعدی بامامی نرسیم

## — ترجمه —

بنطقده برطوطی خوش نفس ایسه کده، سعدینک  
 شکر سوزلری اوزرنده بر سینکیز. — شاعر لاق شیوه سنده،  
 اجماع امله، بنمله سعدی هیچ بروقت امامینک کعبنده  
 اوله مایز.

## — مطالعه —

بوایکی بیتله خواجه محمد الدین همکر بعض فضلائک،  
 بو اوچ شاعرک درجاتی سؤال ضمنتده، یازمش اولدقلری  
 بر قضاغه جواب ویریور. اوقطعه نک بریتی شودر:

ز اشعار تو وسعدی وامامی  
 کدامی به پسندند اندرین بوم

## — ترجمه —

سینک وسعدی وامامینک اشعارندن بو مملکتده  
 هانکیلرینی ده ائی بکنیورلر؟

خردہ

— ۲۸ —

سرافاضل دوران امام ملت و دین  
 خدا یکان شریعت درین چه فرماید  
 کہ کربہ سردد قمری و کبوتر را  
 بشب زتن زره ظلم و جور بر باید  
 خدا یکان کبوتر زروی شرع و قصاص  
 اگر بریزد خون کربہ را ہمی شاید

— ترجمہ —

ای افاضل دورانک رئیس ملت و دینک امامی !  
 شریعت صاحبی بومستلہدہ نہ بیوریورلر : برکدی کیجہ  
 وقتی اون کو کر چین و قمرینک باشنی، ظلم و جور طریقہ،  
 بدنلرندن آیروب قایدینی خالدہ، کو کر چینلرک صاحبی  
 قصاص نیتیلہ کدینک قانی دو کر سہ، شرعاً جائز میدر ؟

— مطالعہ —

فخرالمللک زیادہ سیلہ سودیکی کو کر چینلرینی کدی  
 بوغمش اولدیغندن، یوقاریدہ کی قطعہ یی نظم ایدوب،  
 شاعر مشہور امامی یہ ارسال ایلہ، استفتای مادہ ایتمش .  
 امامی دخی بوکا جواباً شوقطعہ یی یازوب کوندرمش :

ایا لطیف سؤالی کہ درمشام خرد  
 زبوی نکہت خلقت نسیم جان آید

## خرده

## — ۲۷ —

ما کر چه بنطق طوطی خوشنفسیم  
 بر شکر کفتای سعدی مکسیم  
 در شیوه شاعری باجماع ام  
 هرگز من وسعدی بامامی نرسیم

## — ترجمه —

بنطقده برطوطی خوش نفس ایسه کده، سعدینک  
 شکر سوزلری اوزرنده بر سینکز. — شاعر لوق شیوه سنده،  
 اجماع امله، بنمله سعدی هیچ بروقت امامینک کعبنده  
 اوله مایز.

## — مطالعه. —

بوایکی بیتله خواجه مجد الدین همکر بعض فضلائک،  
 بو اوچ شاعرک درجاتی سؤال ضمننده، یازمش اولدقلری  
 بر قضاغه جواب ویریور. اوقطعه نک بریتی شودر:

ز اشعار تو وسعدی وامامی  
 کدامی به پسندند اندرین بوم

## — ترجمه —

سینک وسعدی وامامینک اشعارندن بو مملکتده  
 هانکیلرینی دهایی بکنیورلر؟



## خرده

## — ۲۸ —

سرافاضل دوران امام ملت و دین  
 خدایکان شریعت درین چه فرماید  
 که کربۀ سرده قمری و کبوتر را  
 بشب زتن زره ظلم و جور بر باید  
 خدایکان کبوتر زروی شرع و قصاص  
 اگر بریزد خون کربه را همی شاید

— ترجمه —

ای افاضل دورانک رئیس و ملت و دینک امامی !  
 شریعت صاحبی بومسئله ده نه بیوریورلر : برکدی کیجه  
 وقتی اون کو کرچین و قمرینک باشی، ظلم و جور طریقیه،  
 بدنلرندن آیروب قاپدینی حالده، کو کرچینلرک صاحبی  
 قصاص نیتیه کدینک قانی دوکرسه، شرعاً جائز میدر؟

— مطالعه —

فیخرالمللک زیاده سیله سودیکی کو کرچینلرینی کدی  
 بوغمش اولدیغندن، یوقاریده کی قطعیه یی نظم ایدوب،  
 شاعر مشهور امامی یه ارسال ایله، استفتای ماده ایتمش .  
 امامی دخی بوکا جواباً شو قطعیه یی یازوب کوندرمش :

ایا لطیف سؤالی که درمشام خرد  
 زبوی نکهت خلقت نسیم جان آید

بکر به نیست قصاصی که صاحب ملت  
چنین قصاص بشرع کزین نفرماید

— ترجمه —

نه لطیف سؤال که عقلك دماغنه حکمت خلقت  
قوقوسنی حاوی بر رايحه کتیرر . — کدی به قصاص لازم  
کلز، زیرا صاحب ملت شریعت غراسنده بویله قصاصه  
جواز بیورمیورلر .

نه کم زکربه بییداست کربه صیاد  
که مرغ بیند و بر شاخ پنجه بکشد

— ترجمه —

آغاج دالنگ اوزرنده قوش کورنجه، پنجه سنی آچان  
آوجی کدی فاره طوتان کدین کری قالمیور .

اگر بساعد سیمین خود سری دارد  
بخون کربه همان به که دست نالاید

— ترجمه —

کندی ساعد سیمینکزه محبتکز وار ایسه، کدینک  
قانه الکزری بولاشدیر ماسه کز، ای ایدرسکز .

بقای قمری و عمر کبوتر ار خواهد  
قرار گاه قفسرا بلند فرماید

— ترجمه —

قریلرک بقاسنی و کوکر جینارک حیاتی ایستر

سه‌گز، امر بیورورسکز ده قفسی یوکسک یره قورلر .

خرده

— ۲۹ —

شمع خود سوخت شب دوش بزازی و امروز  
ککزلکزا طلبد شاه زمن میسوزم

— ترجمه —

دون کیجه موم اغلایه اغلایه یاندی، بو کون ایسه،  
پادشاه شمعدانی ایسترسه، بن یانه جغم .

— مطالعه —

شاعر مشهور سلمان ساوجی، بر کیجه، سلطان  
اویسک سرانیدن اوینه کیدرکن، یولی کورمک اوزره،  
الینه بر آلتون شمعدان ویرمشلر . ایرتسی کون،  
شمعدانی ایستمکه کیتدکلرنده، بو یتتی یازوب، سلطان  
اویسه کوندرمش .

سلطان اویس فوق العاده محسن و ملتفت بر حکمدار  
نیکحصات اولدیغندن، کنج یاشنده . واقع اولان وفاتنده  
مشارالیه سلمان ساوجی شو مرتبه‌یی اوقویه‌رق، اغلارایمش .

دریغا که پثر مرده شد ناکهانی  
کل باغ دولت بروز جوایی  
دریغا سواری که جز صید دلها  
نمیکرد بر مرکب کامرانی

— ترجمه —

حیف که کنج یاشنده او دولت باغناک کلی آنسزین  
 صودی ! — یازیق اوپله بر قهرمانه که، کامرانلق رخسینه  
 سوار اولدینی حالد، کوکاری اولامقدن بشقه برشی  
 یامیوردی .

— مطالعه —

مشارالیه سلطان اویسک فضیلت و عرفانی دخی  
 اخلاقی نسبتنده ایمش . جان ویره جکی وقت سویلمش  
 اولدینی شویتلر بوکا شاهد ودیلدر :

زدار الماک جان آخر بشهرستان تن رقم  
 غریبی بودم اینجا چند روزی باوطن رقم

— ترجمه —

روح مملکتدن جسم شهرینه برسیاحت ایتشیدم ؛ بر  
 قاچ کون مسافر قالدقن صکره، وطنمه عودت ایتدم .  
 غلام خواجه بودم کریزان کشته از خواجه  
 در آخر پیش اوشرمنده باتیغ و کفن رقم

— ترجمه —

بر افدینک کوله سی ایدم، که افندیدن کیزلیجه  
 قاچشیدم ؛ نهایت محجوب اولوب قلیج و کفنله افندیک  
 اوکنه دونیورم .

صوک










UNIVERSITY OF TORONTO



3 1761 01454887 9

Fraschery, Ch Samy bey  
Horde çin

PK  
6434  
S46  
1885  
C.1  
ROBA